

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Nicodemi Frischlini Rebecca**

**Frischlin, Nicodemus**

**Altorfii, 1611**

Actvs I. scena I.

[urn:nbn:de:bsz:31-138617](https://nbn-resolving.org/urn:nbn:de:bsz:31-138617)

Ejicite: nemo flagitatorum suum  
Formidet. nam qui exegerit hic pecunias.  
Eum Ismael malè. mulcabit venabulo:  
Poëta noster hanc potestatem ei dedit.  
Quando alia agetur, sceptrū amittet denuò.  
Et fortè, qui nunc Ismael est, tunc Syrus erit,  
Aut rusticus, aut mendicus, aut lotarius,  
Aut quidquid deniq; eum Poëta fecerit.  
Quod reliquum est: jam nunc operam date  
& advertite,  
Nobisq; adeste æquo animo per silentium.

## ACTVS I. SCENA I.

Abrahamus, Eleasarus.

**V**Os ceteri rui hinc abite: Eleasare,  
Adesdum: paucū te volo. EL. dictum puta:  
Nempè ut curentur rectè hac, ABR. imò aliud,  
EL. quid est,  
Quod tibi mea ars efficere hoc possit amplius?  
AB. Nihil isthac opus est arte ad hanc rem, quam  
paro:  
Sed his quas semper in te intellexi sitas,  
Fide & sedulitate. EL. expecto quidnam velis.  
AB. Ego postquam Sara fato defuncta est, memor  
Humanae fragilitatis, & avi lubrici,  
Paucos anse dies, ut nosti, rem familia  
Constitui:

Constitui: ut lites inter liberos meos  
Caverem; cum sciam plerumq; maximas  
Solere hodie simultates existere:

Et fratrum gratiam, haud raro, ob patrimonium  
Dirimi. EL. ita est. AB. hoc malum, ut antequam  
moriar domi

Præverterem, modo testamentum condidi.

Nam bona, quae possedi, legavi uni Isaco.

Omnia: nempe agros, vineas, praedia, domos.

Pecudumq; greges, & ancillas, & servulos.

Quandoquidem ad hunc solum promissio pertinet

De fatali promissione Chanae.

Reliquis vero, quos DOMINVS à terra istius

Hereditate exclusit: neq; latum pedem

Tenere hic voluit: auri solum munera,

Et argenti, ut nosti, dedi donaria.

(tibi.

EL. Scio factum, & non parum hinc odii natum

Nam Isaco postponi ægerrimè tulit Ismael.

AB. Nihil hunc moror, nec quisquam eius odia.

nam Dei

Amor est omnium hominum præponendus odio.

EL. Ita est. AB. sed sine me pervenire, quo volo,

Nam bene cum istuc successerit negotium:

Unus adhuc restat scrupulus, qui me male

Habet, & dies noctesq; pungit, ac nimis

Male vellicat: eumq; animo evellere jam diu

Laboro. EL. Quis nam ille est, heu, scrupulus, ce-

da?

A +

AB. Id



*AB. Id audies. Nam ad eum eximendum, tua  
Mihī ac fide opus est. itaq; te maximè (opera  
Rogo, ut in eare mihī morem geras. EL. Tuum,  
Here Abrahā, in me imperium est, non in te mihī.  
Proin paratus sum exequi, quicquid jubes.*

*AB. Nunquam te aliter, atq; es, animum induxi  
meum.*

*ELE. Quin ergo quicquid est, id imperas, here.*

*ABR. Haud magna est res, quam te facere vunc  
velim.*

*ELE. Eo minus molesta, aut gravū erit mihī.*

*Sed quanam est? AB. Rem omnem nunc à prin-  
cipio audies.*

*Eo pacto & meum consilium facilius  
Cognosces, & quid facere in hac re te velim,  
Melius intelliges. EL. Ausculto per libens.*

*AB. Postquam Isacus ex ephebu excessit meus:  
Et aetatem virilem jam dudum attingis:*

*Nunc rebus, ut volui, compositis omnibus.*

*Hoc superest unam: ut de uxore illi commoda  
Prospiciam; dum vivo: ne olim, me mortuo,*

*Retia tendantur ei per matrimonium:*

*Ut nunc mos hominum est maximè. ELE. Sic est.*

*AB. Nam ea*

*Quorundam perfidia nunc est, ut quos student  
Perdere, nec justam habent causam, illos nuptiis  
Invitent, illaqueent, irretians: dein*

*Tanquam*

Tanquam in cavea quadam praeclusas a viculis.  
Ingulens, mactent, trucident infando modo:  
Quod nuper admodum à Galileu aliquibus  
Hic factitatum vidimus: quos n. q. fides  
Neq. jus commune gentium repressit, neq.  
Reflexit, ut immane hoc non auderent scelus.  
EL. Equidē vera memoras: nam fama huius rei  
Nunc per totum terrarum orbem percrebuit.  
AB. Hoc uti periculum caveam, nunc tempus est.  
Dum vivo: modo tu mortigerum te praebeas.  
ELE. Quin tu vno verbo dic: quid est quod me  
veit.

(tibi:  
AB. Ita faciam: Hoc primum in hac re praedico  
Quod grandes hominum factiones non moror:  
Cuiusmodi sunt harum in Chanaa gentium,

EL. At quae so, affinitates ista non placent,  
Quas Chananai tibi sponte sua destinant?  
AB. Mimimè. EL. Nec Ephronis Hethai? qui te  
Vt scū, dominum vocat, sibiq. gratiam suam,  
Tuam dono nuper conciliare studuit?  
ABR. Nihil hunc moror, neq. quicquam eius do-  
naria. (sedere

EL. At neq. Abimelechum & Phicholem, tibi  
Et summa amicitia obstructos: Summos viros?  
Quorum nemo est, qui filiam suam tuo  
Vxorem deneger gnato. Ita sensi tibi  
Hos omnes benevolos. AB. Imò hac dudum tibi

A 5 Illoꝝ



*Illorum subolet benevolentia: ac nimium  
Metuo, ne filio tendantur retia.*

*EL. Cur hoc metuis? AB. Quia nuptias istas ego  
Malo effugere, quam alii forsan adipiscier.*

*ELE. Quamobrem obsecro? AB. Quia non pos-  
sum cum his hominibus*

*Affinitatem colere. EL. Quae res te vetat?*

*AB. Quia novi ego mores huius seculi malos.  
Nam hodie in vxore ducenda, non qua fide  
Aut religione, sed quibus pecuniis*

*Instructi sint homines, spectarier solet.*

*EL. Non satum intelligo, quo tendas? AB. Non?*

*EL. Non satum. (vola.*

*AB. Nempè ergò apertius via me loqui? EL. Ita*

*AB. Primum Chananaeos nosti homines esse im-  
pios.*

*Et cultores imaginum stultissimos?*

*EL. Novi. AR. Et multos habere Deos? EL. Na  
plurimos!*

*AB. Nec spem ullam ponere in promisso semine?*

*EL. Nullam prorsus. AB. Nec circumcisos? EL.  
Neutiquam. (Deus?*

*ABR. Neq. fœderis memores, quod mecum initit*

*EL. Novis istac, here, qua dicis, & ut dicis animum*

*Induco: & te hos mihi cupio credere. AB. Quo-  
modo*

*Igitur cum gente, exitio devota à Deo.*

*Affinita-*

Affinitatem contraham, aut sobolem meam  
Permiscam: nisi religionem quoq;  
Et divinum cultum abjiciam, profanaq;  
Sacris, & calum terra confundā: EL. an fore id  
Credis? AB. cur non credam, EL. Quia u nihil-  
ominus

In mente sua patriam religionem, & fidem  
Potest habere, sartam, testam ac integram;  
Etiam si Chananaam nactus sit conjugem.  
Imò futurum spero, ut hoc connubio  
Animum soceri lucretur atq; conjugū,  
AB. Istuc in filio fieri periculum  
Grave est, EL. Quid ita? AB. Quia enim here-  
dem ipsum habeo, unicum,

Ad quem promissio DEI de SEMINE  
Illo venturo, & terra istius hereditas  
Pertinet: omnib; hinc prospiciendum mihi modū,  
In cultu ut religionis maneat firmite:;  
Nec usquam a pietatis declinet scmita:  
Neve improborum perdatur consortio,  
Solent enim bonos etiam mores male  
Contaminare, haud raro consuetudines.  
Tum in primis, si quis uxorem nactus sit  
Superstitiosam, illiberalem, incommodam,  
Superbam, petulantem, profanam & impiam:  
Magnum imminere solet, non tantum dominiū,  
(Cuius jactura levior: sive uxor regat

Virum,



Virum, sive vir uxorem: modo domestica  
Res curatur bene, sed fidei periculum:  
Cuius qui semel in vita naufragium fecerit,  
Is nunquam post facile pietatis anchoram  
Apprehendet: neq; in portum optatissima  
Vita appelles. EL. Miserum me, qui hac nunquam  
hactenus.

Ita expendi. Sed perge, ut cepisti loqui.

AB. Nunc quantum in hac re Mulierum praevalleat  
Anstutia, ut à religione abducant viros:

Quanta Sathanel fraudis sit: quanta harum genti-  
Quas inter etatem nunc ago, versusia: Cum,  
Etiam Exempla prioris vitae me commonent.

EL. Quenam obsecro, AB. Audies, an sculta, EL.  
Operam hanc tibi

Dico, AB. Filium meum majorem, qui hic habet  
In Pharan, Ismaelem nostrum, EL. Optime.

AB. Et matrem eius Agar? EL. Quidni? AB.  
Et eius conjugem

Aegyptiam, à matre ipsi desponsam? EL. probe.

AE. quid? Lothum filium fratris mei Charan?

EL. Tanquam te. AB. Nunc audi, quid ambobus  
Ex matrimonio, & mulierum fraudibus (mali  
Evenerit. EL. Dic, obsecro; AB. Ismael reclinis

Aegyptiae suae à religione & fide  
Patrum suorum, tam longè recessit, ut  
Circumcisi proepitii parum memor.

Et



Et fœderis, quod mecum iniit jam olim DEVS

Promissionumq; irrisor nequissimus,

Ostrum & Isidem honore honoret maximo,

Deo: Aegyptios: sum praesertim Isidem,

Quam alia gentes Dianam nominant, colit

Impendio: quod hac Dea creditur feris

Et venatoribus praesse quasi aliquod

Nūmen. EL. Profecto res apparet: nam Isidem

Plus justo ab illo honorari ostendunt ferae,

Quae nimium studet: & agrestium quarimonia,

Quas passim divulgans de ipsius injuriis,

Et sermè quotidie novas huc perferunt.

AB. Quod si hoc idem periculum alteri meo

Contingat Isaco, nolim in lucem editum.

EL. Istud Deus prohibeat: AB. Sic spero fore.

Sed fratris filium, quid ego dicam tibi?

Quem filia vino madefactum, pro pudor!

Ad incestam impulere consuetudinem.

EL. Novi factum: & profecto illius me pudet.

AB. Quid ipsum Adamum, primævum patrem  
omnium,

Qui Eva blanditiis illectus. malum sibi

Vetitum male gustavit: mandatoq; Domini

Temere admodum neglecto: cum uxori fidem.

Haberet: & se & posteritatem in miseriam

Et hanc lacrymarum vallem, adeoq; in luridi

Barathri aeternam precipitavit voraginem.

Adcò

Adeo potens res est muliebris in viro  
Seducenda fallacia: praesertim in fide  
Erga Deum & religionis negotio.  
EL. Istud sapere est res, jam olim prae teritas sibi  
Pro disciplina & praeceptis habere: & hinc  
Casus futuros longè prospicere: & velut  
Ab excelsa quadam specula periculum  
Venturum providere, AB. Tu ergo Eleasare,  
Serua, quod in te est, filium, & me, & familiam:  
Ne forte talibus se involvat nuptiis.  
Nam ego haud quenquam fidelio rem habeo, neq;  
Cui plus credam, nec qui magis ex sententia  
Mihî sit: neq; adeo cui meum concederim  
Filium hodie, quam tibi, Eleasare, audacius:  
EL. Here mi, ego hoc tibi pro seruitio debeo.  
Conari manibus, pedibus, nocte atq; & dies:  
Capitû periculum adire. dum prosum tibi,  
Tuog; gnato, atq; adeo toti familiae:  
Proin impera, quod vis: effectum tibi dabo.  
AB. Amo te, & merito te semper feci maximi:  
Neq; unquam veritus sum abs te, ne faceres idem,  
Quod vulgus servorum solet, ut deluderet  
Me consutus dolis. EL. Egon' istuc in animum  
Inducerem? id me magnus prohibeat DEVS,  
Nam ut adhuc locorum feci, faciam sedulo:  
Ut maximè, quod in rem conducatur tuam,  
Id agam, id persequar animo, corde atq; viribus.

AB. Da



AB. Da mihi manum tuam, optime. ELE. non  
manum modo.

Sed omnem operam, fidem, ipsum quoque animum  
meum:

Qui qualis in te sit, notum tibi arbitror.

AB. Eleasare, ego non tribuo hoc auribus tuis:

Novi, qui vir fies, & quam paucos tui  
Similes habeas. Nam hodie qui in aulis Principum  
Versantur, & consilia rei dant publica,

Multi non domini, sed sua commoda promovent:

Quippe, quibus nil prater pretium dulce est. EL.  
ita est.

AB. Tu vero omnia posthabet meum commodis:

Neque unquam ulla in re tua mihi defuit fides.

Nam saepe ego res multas commendavi tibi

Dubias, egenas, inopes consilii boni:

Quas tu sapienter, doctè, candidè, ac bene  
Mihireddidisti effectus hic opera tua.

Tum filium meum, fidei ac fiducia

Tuae mandatum, curasti probe & bene:

Pudicèque educasti ingenium illius, in

Artibus, in honestis literis, & moribus.

Nam ceteri, quod faciunt plerumque, aulici

Magistri, ut principes sua concreditos

Fidei à studiis ac literis ad otium

Retrahant, & Philosophos contemnere, & viros

Doctos ridere assuefaciant: quasi principe

Indignum

*Indignum esset, vacare literis bonis:  
Et satius, ut corpus venando exerceat,  
Quam animum, præcipuam partem hominis, stu-  
dio artium,*

*Et literarum expoliat. Horum tu nihil  
Eum docuisti: sed ea tantum, quæ pium,  
Sapientem, laudandumq; principem decens.*

*Quibus pro beneficio, fateor, deberier,  
Tibi, præter libertatem, qua te lubens  
Iam olim donavi, multas gratas gratias.*

*EL. Here, si quid facio, aut feci, q; places tibi: &  
Id gratum fuisse adversum te, habeo gratiam.  
Nam merito hac evenerunt à me tibi. Si enim  
Ego item memorem, qua tu locasti in me bona,  
Nox diem adimes. fecisti enim, ut nunquam tibi  
Dignas referre gratias possim satis.*

*AB. Perinde, ut tu promeritus de me & filio.*

*EL. Quod enim maius potuisses beneficium mihi  
Præstare, quàm nullos cum haberes liberos,*

*Quod filio meo voluisti omnia tua  
Bona legare? AB. Memini factum, nec pœnitet.*

*EL. Sed & nunc omnibus præfecisti bonis.*

*Vt omnia sub mea manu reposita sint:*

*Ipsumq; filium magisterio meo  
Et fides subdidisti, & mea fiducia.*

*AB. Haud miso factum. EL. Quid multis ver-  
dis opus?*

*Ex ser-*



Ex seruo herum fecisti: aliaq; in me bona  
Innumera contulisti: pro quibus omnibus  
Nunquam potero dignas rependere gratias.

AB. Imo poteris: & nunc adest occasio.

EL. Quomodo? AB. Si rem geras erga me fideliter.

EL. Cedo quid vis faciam? ABR. Id audies, sed  
eamus hinc.

EL. Sede. AB. Chananaeam filio meo non dare,

Id jam tenes? EL. Teneo, AB. Nec ullam gentium.

Inter quas habito? EL. Sic dixi, AB. Nunc per-  
cipe, (lis.

Quid consilii capiam. EL. Ausculto quid me ve-

AB, Meministi, quid mihi ante paucos huc dies

Renunciatum ex Mesopotamia fiet? (me.

EL. Memini: de fratre tuo Nachor. AB. planissi-

EL. Et de huius filio Bathuel. AB. Videlicet.

EL. Et de filiabus ipsius. AB. Rem omnem tenes.

EL. Quidni teneam? ABR, Nunc ergo pone ma-  
num tuam

Sub femore meo. EL. Cur? AB. Quia jurandum  
jam est tibi.

EL. Quid iurem? AB. Quod jubebo. EL. quid  
jubes? AB. volo

Ut ad terram meam, & ad cognationem ibi

Meam pergas, & capias uxorem Isaco,

De familia mea. EL. Facilius hoc, here,

Præcipitur, quàm efficitur, AB. Quamobrem?  
cedo. EL. quia

B

Vxor

*Vxor quid faciat, in manu non est mea.*

*AB. Intellego. EL. Què enim tu scis, an me sequi*

*Velit puella? Nam dulce est patria solum:*

*Nec cuius vis est hominis pede profugo & vago*

*Hinc inde errare. AB. Imo ubi virgo intellexerit,*

*Cui nubat: sequetur animo promptissimo.*

*ELE. Quis sic? AB. Quia nubet populari suo &  
sanguinis*

*Propinquitate conjuncto sibi. EL. Esto ita:*

*Connubium suo gentili non abnuat,*

*Quid vero, si in patria manere postulet,*

*Nolitq; sequi me? quid tum agam? num filium*

*Reducam in terram, unde huc olim migrasti, herede?*

*AB. Cave sis, ne hoc faxis: neu in animum indu-  
cas tibi,*

*Meum ut reducas illo filium. EL. Obsecro,*

*Quamobrem? an non videtur hoc duobus ex*

*Malis optatius, gnato uxorem dare*

*In patria terra, quam atq; commodam:*

*Quam hic inter ignotos & peregrinos eum,*

*Vel uxorem ducere malam atq; incredulam*

*Deo: vel omnem aetatem exigere calibem?*

*AB. Imo neutrum mihi placet, & tu quod times,*

*Frustra times. EL. Quis sic? AB. Quia hoc nego-  
cium*

*Non à voluntate humana pendet, neque in*

*Nostra situm est manu: sed unius DEI*

*Opus*



*Opus est. Ad hunc nostri oculi adversendi. EL.*

*Benè.*

*Sed qui tu scis, an ita placeat Deo, an secus?*

*AB. Eho. tunc, Eleasare, dubitas hoc? Dominus*

*Deus*

*Cæli & terræ, qui me è domo patris Tharæ,*

*Et è terra natalis eduxit soli,*

*Et locū in hunc statuis: tam crebrò pollicitus est,*

*Ac iurejurando confirmavit mihi:*

*Quod Chananeam terram mihi atq; posteris*

*Ex Ifaco daturus sit. Et id sapius.*

*Iam repetivit: eamq; ob causam factū puto, ut*

*Me ex tot laboribus, tot ex periculis,*

*Tot exiliis elictatum, hoc demum loco,*

*Inter Chananeos voluerit quiescere,*

*Huic ego fidendum, in hunc respiciendum puto.*

*Neq; committendum, ut hinc recedat filius.*

*Aut illo redeat, unde olim migravimus.*

*Atq; hand dubito, quin angelum suum tibi,*

*Quasi pronubum, concessurum in hac re siet.*

*Ut eius opera uxorem capias filio.*

*EL. Itane fore credis? AB. Quid ni credam, qui*

*angelos*

*Toties mihi adjuutores in periculis,*

*Et rebus adversis vita habuerim mea:*

*Multisq; pridem hoc documentis cognoverim?*

*EL. Sin autem res secus, quàm spes est, ceciderit,*

*Nunquid iuramentum nihil obfuerit mihi?*

*AB. Nihil prorsus: dumtaxat filium meum  
Ne illo reduxeris. EL. Cavebo hoc facillimè.*

*AB. Quin ergo manumponis sub femore. EL.  
ut ut lubet,*

*Arbitratu tuo iusjurandum dabo. (nunc*

*En pono: quid nunc? AB. Rectè sanè: adverte  
Animum, & præcuntem verbis me sequere. EL.  
lubens.*

*AB. Deus cæli & terra, te invoco testem mihi.*

*EL. Deus cæli & terra, te invoco testem mihi.*

*AB. Quod Abrahami heri mei filium Isacum.*

*EL. Quod Abrahami heri mei filium Isacum.*

*AB. Ex hac terra in patriam nolim reducere.*

*EL. Ex hac terra in patriam nolim reducere.*

*AB. Neg. uxorem illi Chananzam, aut similem  
dare. (dare.*

*EL. Neg. uxorem illi Chananzam, aut similem*

*AB. Sedeam, quam jubeor, pro virili querere.*

*EL. Sedeam, quam jubeor, pro virili querere.*

*AB. Et sine fraude ac dolis. EL. Et sine fraude ac  
dolis.*

*AB. Sic me DEVS adjuvet. EL. Sic me DE-  
VS adjuvet.*

*AB. Nunc acquiesco & desecato abeo animo.*

*EL. Nihil ergo me vis aliud, here? AB. prorsus  
nihil.*

*Quia*



*Quia meus nunc animus in portu navigat.*

EL. Sed nunquid cause est, here, quin proficiscar hodie?

AB. Statimne? EL. Sic. AB. Iam? EL. Sic prorsum nisi quid mora est.

AB. Ut ut lubet: nam tu me nihileris tibi mora.

EL. Eo. Nam prius animo ocioso esse haud queo.

Quam tibi gnatoq; tuo rem omnem perfecero.

AB. Rectè. EL. Sed dum nimium propero, penè fueram

Oblitus, quod vel maximè jam ab initio

In hac re scitari volui. AB. Quidnam? Cedo.

EL. Vtrum tuus etiam filius huius rei

Est conscius? AB. Cur id rogas? EL. Merito: quia

Cavendum, ne invito obrudamus conjugem.

AB. Ne sis sollicitus, nam tali ingenio meus

Est filius: ut eadem illi placeant, qua mihi:

Eadem displiceant, qua mihi. EL. Novi quidem

Ingenium eius, quale sit in rebus ceteris:

Sed in re uxoria nondum perspectus est

Mihi illius animus. Nam hoc mercimonium

Proci nostrates cæcis oculis non emunt.

AB. Quiesce. Ist hanc rem ego rectè videro domi,

EL. Sed dum abs sum, quis meas geret iterū vices?

AB. Syro hanc dedi provinciam, ut rus hinc eat!

Nostrosq; obseruet servulos: dum tecum ego

Hoc transgerem negotiū. Proin animo

*Tranquillo es, Eleasare, & de rebus interim  
Nostris in utramvū aurem quiescito.*

*EL. Sed nullō me mihi comites adjungam via?*

*AB. Imò ut voles: nam reperies intus domi*

*Pro arbitrato tuo. EL. Sat habeo, bene vale:*

*Et felicem mihi reditum à Deo impetra,*

*Namq̄, una precatio tua plus mihi commodi*

*Feret, quā omnis labor meus, AB. Benè ambula.*

## ACTVS I. SCENA II.

Abrahamus,

**V**erissimum id esse, vulgò quod dici solet,  
Re ipsa nunc demum experior: si quis bonū  
Et frugi nactus sit servum ex sententia:  
Eum non postremum hac in vita commodum  
Adeptum esse: velut ego hunc habeo Eleasarum,  
Nam is me herum matura solet capessere,  
In se sera: & quod jubetur, citius citius  
Quadrigis properat persequi. Tum quas ego  
In servo puto virtutes longè maximas,  
Fidem ac taciturnitatem! has rebus omnibus  
Adhibet, & quod rarū in servo est, contumelias  
Nullas, nulla maledicta in quenquam hominem  
ingerit:

*Pietatis insuper tantò observantior*

*Est ceteris: quantò illi ad seua crimina*

Et